




**ПОСЛЕДОВАНИЕ**  
Молебного пения  
Святителю и Чудотворцу  
**НИКОЛАЮ**  
АРХИЕПИСКОПУ МИР ЛИКИЙСКИХ

г. Кривой Рог  
2016



По благословению  
Высокопреосвященнейшего  
**ЕФРЕМА**  
Митрополита Криворожского  
и  
Никопольского

Издание подготовлено к празднованию  
20-летия Криворожской Епархии  
и  
15-летия Свято – Николаевского храма  
г. Кривой Рог





**ПОСЛЕДОВАНИЕ**  
Молебного пения  
Святителю и Чудотворцу  
**НИКОЛАЮ**  
АРХИЕПИСКОПУ МИР ЛИКИЙСКИХ  
(Память 9/22 мая, 6/19 декабря)

*Начало обычное:*

**Во** імя Отца, и Сына, и Святаго Духа,  
Аминь.

**Бо**же, милостив буди мне грешному. *(Поклон)*

*Молитва предначинательная:*

**Го**споди Иисусе Христе, Сыне Божий,  
молитв ради Пречистой Твоей Матере и всех  
святых, помилуй нас. Аминь.

**Слава** Тебе, Боже наш, слава Тебе.

**Царю** Небесный, Утешителю, Душе истины,  
Иже везде сый и вся исполняяй, Сокровище  
благих и жизни Подателю, прииди и вселися в  
ны, и очисти ны от всякия скверны, и спаси,  
Блаже, души наша.



*Трисвятое:*

Святы́й Бо́же, Святы́й Кре́пкий, Святы́й Безсме́ртный, поми́луй нас. *(Читается трижды, с крестным знаменем и поясным поклоном.)*

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

*Молитва ко Пресвятой Тро́ице:*

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззаконя́ на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй. *(Трижды).*

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

*Молитва Господня*

О́тче наш, И́же еси́ на небесе́х! Да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставя́ем должнико́м на́шим; и не введи́ нас во искуше́ние, но изба́ви нас от лука́ваго.



**Господи, помилуй. (12 раз)**

**Слава, и ныне:**

**Приидите, поклонимся: (трижды)**

**Псалом 50**

**П**омилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоя явил мне еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего



и Духом владычним утверди мя. Научу беззаконныя путем Твоим, и нечистивии к Тебе обратятся. Избави мя от кровей, Боже, Боже, спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен: сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожигаемая; тогда возложат на олтарь Твой тельцы.

**С**лава и ныне.

**А**ллилуия, аллилуия, аллилуия, слава Тебе, Боже. *(трижды)*

**Бог Господь: глас 4.**

**Б**ог Господь и явися нам, благословен Грядый во имя Господне.

*Стих 1:* Исповедайтесь Господеву, яко благ, яко в век милость Его.

*Стих 2:* Обышедше обыдоша мя и именем



Господним противляхся им.

*Стих 3:* Не умру́, но жив буду́ и повём дела́ Господня.

*Стих 4:* Камень, егѡже небрегѡша зиждущи, сей бысть во главѹ угла, от Господа бысть сей и есть дивен во очесѣх наших.

**Тропарь: гласъ 4.**

**П**равило веры и образъ кротости, воздержанія учителя яви́ тя ста́ду твоemú, яже вещь и́стина. Сего́ ради стяжалъ еси́ смиреніемъ высокая, нищетою богата́я, ѡтче священноначальниче Никѡлае, моли́ Христа́ Бога, спасти́ся душамъ нашимъ.

**С**лава, и ныне.

**Богородичень.**

**Е**же отъ века утаенное, и ангеломъ несведомое таинство: Тобою, Богородице, сущимъ на земли явися, Богъ въ неслитномъ соединеніи воплощаемъ, и крестъ волею насъ ради восприимъ, имже воскресивъ первозданнаго, спасе́ отъ смѣрти души́ наша.



## Канонъ, гласъ 4.

### Песнь 1.

**Ирмосъ:** Отверзу уста́ моя, и напо́лнятся Духа, и сло́во отры́гну Цари́це Ма́тери, и явлю́ся, светло торжеству́я, и воспую́, раду́ясь, Тоя́ чудеса́.

**Припевъ:** Святителю отче Николае, моли Бога о нас.

**Па́стырю** добрый Христо́ва ста́да, раду́йся, Нико́лае, я́ко ми́рянномъ оте́ць че́стенъ и учи́тель бы́ль еси́, и мне пода́ждь, раду́йся, тебе приноси́ти.

**Припевъ:** Святителю отче Николае, моли Бога о нас.

**Ро́ди** земнии стецёмся, раду́йся, приноси́ти святителю, ра́дость бо прино́ситъ вселённей неоску́дно.

Сла́ва Отцу́ и Сы́ну и Свято́му Ду́ху.

**Изба́вльшему** три́ воево́ды отъ уби́ения непра́веднаго, вопи́емъ ти́: раду́йся, Нико́лае, засту́пниче прибега́ющимъ подь кро́вь тво́й.

И ны́не и прісно и во ве́ки веко́в. Ами́нь.

**Богоро́дице** Дево, раду́йся, ра́дость отъ а́нгела прие́мшая, спаси́ Тебе́ велича́ющихъ.



### Песнь 3.

**Ирмосъ:** Твоя́ песнословцы, Богородице, живый и независтный Источниче, ликъ Себе совокупльшия, духовно утверди, въ божественней Твоей славе, венцевъ славы сподоби.

**Припевъ:** Святителю отче Николае, моли Бога о нас.

**Никтоже** прибегаяй подь кровъ надежды твоея, отче, тощъ отъ тебе исходитъ, но, радуйся, принося ти, помощь приемлетъ, Николае, юже и мне подаждь, всеблаженне.

**Припевъ:** Святителю отче Николае, моли Бога о нас.

**Ангели** дивятся твоему, преподобне, теплomu заступлению, человецы же радуются, приемлюще молитвами твоими избавление отъ напастей бесовскихъ, темже, радуйся, приносимъ ти, Николае прехвальне.

Слава Отцу и Сыну и Святому Духу.

**Шлемъ,** и оружие непобедимое на диавола ты еси, христианомъ же утверждение, и иерархомъ удобрение, Николае чудне; радуйся, чудотворче великий, обуреваемымъ тихое пристанище.

И ныне и присно и во веки веков. Аминь.



**Зачѣнши** Зиждителя Своего, Богородице, родила еси Творца всех и Господа. Того моли избавити насъ отъ напастей; елика бо хощеши, вся можеша, яко благая Благаго же Родительница.

**Господи помилуй.** *(трижды)*

**Седальенъ: гласъ 8.**

**Возшедъ** на высоту добродетелей и Божественными отсюда, отче, озарився сиянии чудесъ, пресветель воистинну явился еси миру пастырь, намъ въ напастехъ сый предстатель непобедимъ; темже, преславно врага победивъ, лжу отгналъ еси, и человеки спаслъ еси отъ смерти, Николае. Моли Христа Бога греховъ оставление даровати чтущимъ любовью святую память твою.

**Слава, и ныне.**

**Богородичень:**

**Яко** Деву и едину въ женахъ, Тя, безъ семени рождшую Бога плотию, вси ублажаемъ, роди человечести: огнь бо вселися въ Тя Божества,



и яко Младенца дойши Зиждителя и Господа. Темъ, ангельский и человеческий родъ, достойно славимъ пресвятое Рождество Твое и согласно вопиемъ Ти: моли Христа Бога согрешений оставление даровати поклоняющимся верою пресвятому Рождеству Твоему.

#### **Песнь 4.**

**Ирмосъ:** *Седяй въ славе на Престоле Божества во облаце легце, прииде Исусъ Пребожественный, Нетленною Дланию и спасе зовущия: слава, Христе, силе Твоей.*

**Припевъ:** **Святителю отче Николае, моли Бога о нас.**

**Апостоломъ** равнопрестольне, радуйся, **Николае**, яко Ариеву ересь посрамилъ еси, и велиарова шатания низложилъ еси, твоими молитвами; не престай моля о рабехъ твоихъ.

**Припевъ:** **Святителю отче Николае, моли Бога о нас.**

**Юношу** онаго отъ руки Амиры срацинскаго избавилъ еси, родителемъ же его радость даровалъ еси, темъ ти съ ними и мы, радуйся, приносимъ, **Николае** преподобне.

**Слава Отцу и Сыну и Святому Духу.**



**Т**ри воево́ды отъ уби́енія непра́веднаго, чудотво́рче, спа́сль еси́, явлься во снѣ царю́ благочестивому, и запрети́вь ему́, и отъ нихъ, ра́дуйся, прия́ль еси́, Нико́лае; и мене́ укрепи́ твоими моли́твами.

**И ны́не и прѣсно и во ве́ки веко́в. Ами́нь.**

**П**реблагословѣнная Богоро́дице, ра́дуйся, я́ко еси́ Царя́ все́хъ престо́ль, херувимовъ вы́шший; не зако́сни, моля́ Своего́ Сы́на и Бо́га на́шего, о чту́щихъ Тя прѣсно, съ Никола́емъ блаже́ннымъ.

### **Песнь 5.**

**Ирмо́сь:** *Ужасо́шася вся́ческая о Божѣственной сла́ве Твое́й: Ты́ бо, неискусобра́чная Де́во, имѣла еси́ во утробѣ надъ все́ми Бо́га, и родила́ еси́ Безле́тнаго Сы́на, все́мъ, воспева́ющимъ Тя, ми́ръ подава́ющая.*

**Припе́вь:** **Святителю́ отче Николае, моли́ Бога о нас.**

**А**посто́ловъ тезоимѣ́нне, со а́нгелы равностоя́телю престо́ла Влады́чнѣ неотсту́пне, Ария́ безумно́ва-вшаго посра́миль еси́; того́ ради́ вопи́емъ ти́, Нико́лае: ра́дуйся, святи́телемъ удобре́ние и сто́лпе церко́вный.

**Припе́вь:** **Святителю́ отче Николае, моли́ Бога о нас.**

**Р**у́ку ми́ да́ждь, Нико́лае, по́мощи, моля́ся ко



Господу, зане́же бу́ря потопля́ет мя́ грехо́вная,  
и приведи́ къ тихому́ пристанищу́ покая́ния,  
о́тче, твои́ми моли́твами.

**Сла́ва Отцу́ и Сы́ну и Свято́му Ду́ху.**

**А**ще и мно́го беззако́нновахъ, Нико́лае, но не  
отступаю́ наде́жды покро́ва твоего́, всегда́,  
ра́дуйся, принося́ ти; ты́ мя изба́ви отъ вся́кия  
ско́рби и бе́ды, елика́ бо хо́щещи, вся́ мо́жещи.

**И ны́не и присно́ и во ве́ки веко́в. Ами́нь.**

**О**блаче́ превы́шший небесъ́, ра́дуйся,  
иска́пающий на́мъ ка́плю, Богоро́дице  
всеблагая́, пода́ждь отъ Бо́га правосла́внымъ  
христиа́номъ побéду на ва́рвары, со иера́рхомъ  
Никола́емъ Того́ моля́.

### **Песнь 6.**

**Ирмо́сь:** *Божество́нное си́е и всечестно́е соверша́юще  
пра́зднество, богому́дрии, Богома́тере, прииди́те, рука́ми  
воспле́щимъ, отъ Нея́ ро́ждшагося Бо́га сла́вимъ.*

**Припе́вь:** **Святителю́ отче Николае, моли́ Бога о нас.**

**Д**ругъ Христо́въ и вторы́й Пётръ, яви́лся еси́,  
о́тче, ра́дуйся, я́ко еси́ сто́лпъ церко́вный и  
чудесный́ о́рганъ, Ду́хомъ Святы́мъ  
чудоде́йствуяй и бряца́яй. Те́мже, Нико́лае,  
ра́дуйся, прино́симъ ти́ всегда́.



*Привѣтъ:* Святителю отче Николае, моли Бога о нас.

**У**слы́шавъ Константи́нъ ца́рь благочести́вый во снѣ прещѣ́ния твоя́, со Авла́виемъ епа́рхомъ, о муже́хъ о́нехъ непра́ведно имѣ́вшихъ поги́бнути, вско́ре повеле́ отпусти́ти ихъ, тебѣ же, ра́дуйся, вопия́ше, Нико́лае.

Сла́ва Отцу́ и Сы́ну и Свято́му Ду́ху.

**К**ораблю́ о́ному потопя́ющу въ мо́ри ты́, о́тче, бы́ль еси́ ко́рмчий; и мнѣ́, лю́те обуре́аему отъ помышле́ний бесо́вскихъ, да́ждь я́дрило блага́го ра́зума во уме́ и въ се́рдце, я́ко да всегда́, ра́дуйся, приношу́ ти, Нико́лае прехва́льне.

И ны́не и прѣ́сно и во ве́ки веко́в. Ами́нь.

**Р**а́дуйся, Пречи́стая Де́во, ра́дуйся, ми́ру утвержде́ние, ра́дуйся, я́ко родила́ еси́ Сы́на, все́хъ Бо́га, Того́ моли́, Богоро́дице пренепоро́чная, спаси́ся душа́мъ на́шимъ.





# АКАФИСТ СВЯТИТЕЛЮ НИКОЛАЮ ЧУДОТВОРЦУ

## Кондак 1

**В**озбранный Чудотворче и изрядный угодниче Христов, миру всему источая многоценное милости миро и неисчерпаемое чудес море, восхваляю тя любовью, святителю Николае; ты же, яко имеяй дерзновение ко Господу, от всяких мя бед свободи, да зову ти:

**Радуйся, Николае, великий Чудотворче.**

## Икос 1

**А**нгела образом, земнаго суца естеством, яви тебе всея твари Создатель: благоплодную бо доброту души твоея провидев, преблаженне Николае, научи всех вопити тебе сице:

Радуйся, от утробы матерния очищенный; радуйся, даже до конца освященный.

Радуйся, рождением своим родителей удививый; радуйся, силу душевную абие по рождестве явивый.

Радуйся, саде земли обетования; радуйся, цвете Божественнаго саждения.

Радуйся, лозо добродетельная винограда



Христова; радуйся, древо чудоточное рая  
Иисусова.

Радуйся, крине райскаго прозябения;  
радуйся, миро Христова благоухания.

Радуйся, яко тобою отгонится рыдание;  
радуйся, яко тобою приносится радование.

**Радуйся, Николае, великий Чудотворче.**

### **Кондак 2**

**В**идяще твоих мир изливание, Богомудре,  
просвещаемся душами и телесы, дивнаго тя  
мироточца живоносна, Николае, разумеюще:  
чудесы бо, яко водами, благодатию Божиею  
изливающимися, напаяеши верно вопиющих  
Богу:Аллилуиа.

### **Икос 2**

**Р**азум неуразуменный вразумля о Святей  
Троице, был еси в Никеи со святыми отцы  
поборник исповедания православныя веры:  
равна бо Отцу Сына исповедал еси,  
соприсносущна и сопрестольна, Ария же  
безумнаго обличил еси. Сего ради вернии  
научишася воспевати тебе:



Радуйся, великий благочестия столпе;  
радуйся, верных прибежища граде.

Радуйся, твердое Православия укрепление;  
радуйся, честное Пресвятыя Троицы носило и  
похваление.

Радуйся, Отцу равночестна Сына  
проповедавый; радуйся, Ария возбесившагося  
от Собора святых отгнавый.

Радуйся, отче, отцев славная красото;  
радуйся, всех богомудрых премудрая доброто.

Радуйся, огненная словеса испущаяй;  
радуйся, добре стадо свое наставляяй.

Радуйся, яко тобою вера утверждается;  
радуйся, яко тобою ересь низлагается.

**Радуйся, Николае, великий Чудотворче.**

### **Кондак 3**

**С**илою, данною ти свыше, слезу всяку отъял  
еси от лица люте страждущих, богоносне отче  
Николае: алчущим бо явился еси кормитель, в  
пучине морстей сущим изрядный правитель,  
недугующим исцеление и всем всяк помощник  
показался еси, вопиющим Богу: **Аллилуиа.**



### Икос 3

**И**меяше воистину, отче Николае, с Небесе песнь тебе воспеваема быти, а не от земли: како бо кто от человек возможет твоя святыни величия проповедати? Но мы, любовию твоею побеждаеми, вопием ти сице:

Радуйся, образе агнцев и пастырей; радуйся, святое очистилище нравов.

Радуйся, добродетелей великих вместилище; радуйся, святыни чистое и честное жилище.

Радуйся, светильниче всесветлый и вселюбимый; радуйся, свете златозарный и непорочный.

Радуйся, достойный Ангелов собеседниче; радуйся, добрый человеков наставниче.

Радуйся, правило веры благочестивыя; радуйся, образе кротости духовныя.

Радуйся, яко тобою от страстей телесных избавляемся; радуйся, яко тобою сладостей духовных исполняемся.

**Радуйся, Николае, великий Чудотворче.**

### Кондак 4

**Б**уря недоумения смущает ми ум, како достойно есть пети чудеса твоя, блаженне



Николае? Никтоже бо может я исчести, аще бы и многи языки имел и глаголати восхотел; но мы, дивно Богу в тебе прославляющемся, дерзаем воспевати: **Аллилуиа.**

#### **Икос 4**

**С**лышаша, богомудре Николае, ближнии и дальнии величие чудес твоих, яко по воздуху легкими благодатными крилами навькл еси сущих в бедах предваряти, скоро от тех избавляя всех, вопиющих к тебе таковая:

Радуйся, избавление от печали; радуйся, подаение благодати.

Радуйся, нечаемых зол прогонителю; радуйся, желаемых благих насадителю.

Радуйся, скорый утешителю в беде сущих; радуйся, страшный наказателю обидящих.

Радуйся, чудес пучино, Богом излианная; радуйся, закона Христова скрижали, Богом писанныя.

Радуйся, крепкое падающих возведение; радуйся, право стоящих утверждение.

Радуйся, яко тобою всякая лесь обнажается; радуйся, яко тобою всякая истина сбывается.

**Радуйся, Николае, великий Чудотворче.**



### Кондак 5

**Б**оготечная звезда явился еси, наставляя по морю плавающих люте, имже смерть предстояше вскоре иногда, аще не бы ты предстал еси призывающим тя в помощь, Чудотворче святой Николае; уже бо нестыдно бесом летающим и погрузити корабли хотящим запретив, отгнал еси их, верныя же научил еси спасающему тобою Богу взывати: **Аллилуиа.**

### Икос 5

**В**идеша отроковицы, на брак скверный нищеты ради уготованныя, великое твое к нищим милосердие, преблаженне отче Николае, егда старцу родителю их нощию узельцы три злата таяся подал еси, самага со дщерьми избавляя от падения греховнаго. Того ради слышиши от всех сице:

Радуйся, милости превеликия сокровище;  
радуйся, промысления о людех приятелище.

Радуйся, пище и отрадо к тебе прибегающих;  
радуйся, хлебе неснедаемый алчущих.

Радуйся, богатство, бедне живущим на земли, Богом данное;  
радуйся, воздвижение скорое убогих.



Радуйся, быстрое нищих услышание;  
радуйся, скорбящих приятное попечение.

Радуйся, триех дев непорочный невестителю;  
радуйся, чистоты усердный хранителю.

Радуйся, ненадежных надеяние; радуйся,  
всего мира наслаждение.

**Радуйся, Николае, великий Чудотворче.**

### **Кондак 6**

**П**роповедует мир весь тебе, преблаженне  
Николае, скорого в бедах заступника: яко  
многажды во едином часе, по земли  
путешествующим и по морю плавающим,  
предваряя, пособствуеши, купно всех от злых  
сохраняя, вопиющих к Богу: Аллилуиа.

### **Икос 6**

**В**озсиял еси свет животный, избавление нося  
воеводам, неправедную смерть прияти  
имущим, тебе, добрый пастырю Николае,  
призывающим, егда вскоре явлься во сне  
цареве, устранил еси его, сих же  
неврежденных отпустить повелел еси. Сего  
ради с ними купно и мы благодарственно  
вопием ти:

Радуйся, усердно призывающим тя помогаяй;  
радуйся, от неправеднаго убиения избавляяй.



Радуйся, от лестных сохраняя клеветы;  
радуйся, неправедных разрушая советы.

Радуйся, растерзая лжу яко паучину;  
радуйся, возношая славно истину.

Радуйся, неповинных от уз разрешение;  
радуйся, и мертвецов оживление.

Радуйся, проявителю правды; радуйся,  
помрачителю неправды.

Радуйся, яко тобою неповиннии избавлени от  
меча; радуйся, яко тобою насладишася света.

**Радуйся, Николае, великий Чудотворче.**

#### **Кондак 7**

**Х**отя богохульное еретическое отгнати  
злосмрадие, миро воистину благовонное,  
таинственное явился еси, Николае: люди  
Мирейския упасл еси и весь мир своим  
благодатным миром исполнил еси. И от нас убо  
богомерзкое греховное злосмрадие отжени, да  
благоприятно Богу вопием: **Аллилуиа.**

#### **Икос 7**

**Н**оваго тя Ноя, наставника ковчега  
спасительнаго разумеем, отче святой Николае,  
бурю всех лютых разгоняющаго направлением  
своим, тишину же Божественную приносящаго  
вопиющим таковая:

Радуйся, обуреваемых тихое пристанище;



радуйся, утопающих известное хранилище.

Радуйся, плавающих посреде пучин добрый кормчий; радуйся, треволнения морская уставляющий.

Радуйся, превожделение сущих в вихрех; радуйся, согрeяние сущих во мразех.

Радуйся, сияние, скорбный мрак разгоняющее; радуйся, светило, вся концы земли просвещающее.

Радуйся, от бездны греховныя человеки избавляй; радуйся, в бездну адскую сатану ввергаяй.

Радуйся, яко тобою дерзновенно бездну милосердия Божия призываем; радуйся, яко тобою от потопа гнева избавльшеся, мир с Богом обретаем.

**Радуйся, Николае, великий Чудотворче.**

### **Кондак 8**

**С**транное чудо является притекающим к тебе, блаженне Николае, священная твоя церковь: в ней бо и малое моление приносяще, велиих недугов приемлем исцеление, аще токмо по Бозе упование на тя возложим, верно вопиюще: **Аллилуиа.**



## Икос 8

**В**есь еси всем воистину помощник, богоносе Николае, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая вопити к тебе сице:

Радуйся, всяких исцелений источниче; радуйся, люте страждущим помощниче.

Радуйся, заре, сияющая в нощи греховней блуждающим; радуйся, росе неботочная в знои трудов сущим.

Радуйся, подаваяя требующим благостроение; радуйся, уговоряяя просящим изобилие.

Радуйся, многажды прошение предваряя; радуйся, старым сединам силу обновляя.

Радуйся, многих заблудших от пути истиннаго обличителю; радуйся, таин Божиих верный служителю.

Радуйся, яко тобою зависть попираем; радуйся, яко тобою благонравное житие исправляем.

**Радуйся, Николае, великий Чудотворче.**



### Кондак 9

**В**сякия утоли болезни, великий наш заступниче Николае, растворяя благодатная врачевания, услаждающая души наша, сердца же веселящая всех усердно к помощи твоей притекающих, Богу же вопиющих: **Аллилуиа.**

### Икос 9

**В**ития суемудренные нечестивых видим тобою посрамленные, богомудре отче Николае: Ария бо хульника, разделяюща Божество, и Савеллия, смешающа Святую Троицу, препрел, нас же во Православии укрепил еси. Сего ради вопием ти сице:

Радуйся, щите, защищай благочестие; радуйся, мечу, посецаяй злочестие.

Радуйся, учителю Божественных велений; радуйся, губителю богопротивных учений.

Радуйся, лестнице, Богом утвержденная, еюже восходим к Небеси; радуйся, покрове, Богом зданный, имже покрываются мнози.

Радуйся, немудрых умудривый твоими словесы; радуйся, ленивых подвигнувый твоими нравами.



Радуйся, светлосте заповедей Божиих  
неугасимая; радуйся, луче оправданий  
Господних пресветлая.

Радуйся, яко учением твоим сокрушаются  
еретическия главы; радуйся, яко тобою вернии  
сподобляются славы.

**Радуйся, Николае, великий Чудотворче.**

### **Кондак 10**

**С**пасти хотя душу, плоть твою духови  
покорил еси воистину, отче наш Николае:  
молчаньми бо прежде и бореньми с помысли,  
деянию богомыслие приложил еси,  
богомыслием же разум совершен стяжал еси,  
имже дерзновенно с Богом и Ангелы беседовал  
еси, всегда вопия: **Аллилуиа.**

### **Икос 10**

**С**тена еси похваляющим, преблаженне,  
чудеса твоя и всем к заступлению твоему  
прибегающим; темже и нас, в добродетели  
убогих, от нищеты, напасти, недугов и нужд  
различных свободдай, вопиющих ти с  
любовию таковая:

Радуйся, от убожества вечнаго изымаяй;



радуйся, богатство нетленное подавая.

Радуйся, брашно негиблющее алчущим правды; радуйся, питье неисчерпаемое жаждущим жизни.

Радуйся, от мятежа и брани соблюдая; радуйся, от уз и пленения свободя.

Радуйся, преславный в бедах заступниче; радуйся, превеликий в напастех защитниче.

Радуйся, многих от гибели исхитивый; радуйся, безчисленных невреденно сохранивый.

Радуйся, яко тобою лютыя смерти грешнии избегают; радуйся, яко тобою жизнь вечную кающися получают.

**Радуйся, Николае, великий Чудотворче.**

### **Кондак 11**

**П**ение Пресвятей Троице паче иных принесл еси, преблаженне Николае, умом, словом и делом: многим бо испытанием правоверная повеления уяснил еси, верою, надеждою и любовью наставляя нас в Троице Единому Богу воспевати: **Аллилуиа.**



## Икос 11

Светозарную лучу во мраце жития сущим  
неугасимую видим тя, Богом избранне отче  
Николае: с невещественными бо ангельскими  
светы беседуеши о несозданном Троическом  
Свете, верных же души просвещаеши,  
вопиющих ти таковая:

Радуйся, озарение Трисолнечнаго Света;  
радуйся, деннице незаходимаго Солнца.

Радуйся, свеще, Божественным пламенем  
возжженная; радуйся, яко угасил еси бесовский  
пламень нечестия.

Радуйся, светлое правоверия проповедание;  
радуйся, доброзрачное света евангельскаго  
сияние.

Радуйся, молние, ереси пожигающая;  
радуйся, гrome, устрашающий соблазняющия.

Радуйся, истиннаго начителю разума;  
радуйся, таинственнаго изъяснителю ума.

Радуйся, яко тобою попрася поклонение  
твари; радуйся, яко тобою научихомся  
покланятися Творцу в Троице.

**Радуйся, Николае, великий Чудотворче.**



### Кондак 12

**Б**лагодать, данную ти от Бога, сведущи, радуешься, твою память празднуем по долгу, преславный отче Николае, и к чудному заступлению твоему вседушно притекаем; преславных же твоих деяний, яко песка морского и множества звездного исчести не могуще, недоумением объяти бывше, вопием к Богу: **Аллилуиа.**

### Икос 12

**П**оюще твоя чудеса, восхваляем тя, всехвальне Николае: в тебе бо Бог, в Троице прославляемый, дивно прославися. Но аще и попремногу составленныя от души псалмы и песни приносим ти, Чудотворче святой, ничтоже творим равно дарованию чудес твоих, имже удивляющесе, вопием к тебе таковая:

Радуйся, Царя царствующих и Господа господствующих служителю; радуйся, служителей Его небесных сожителю.

Радуйся, людям верным поможение; радуйся, рода христианского возвышение.

Радуйся, победы тезоименитый; радуйся, венценосче нарочитый.



Радуйся, всех добродетелей зеркало;  
радуйся, всех притекающих к тебе крепкое  
забрало.

Радуйся, по Бозе и Богородице, все наше  
упование; радуйся, телес наших здравие и душ  
спасение.

Радуйся, яко тобою от вечныя смерти  
свобождаемся; радуйся, яко тобою безконечныя  
жизни сподобляемся.

**Радуйся, Николае, великий Чудотворче.**

### **Кондак 13**

**О** пресвятый и пречудный отче Николае,  
утешение всех скорбящих, нынешнее наше  
приими приношение и от геенны избавитися  
нам Господа умоли богоприятным твоим  
ходатайством, да с тобою воспеваем:  
**Аллилуиа.** *(кондак читается трижды)*

### **Икос 1**

**А**нгела образом, земнаго суца естеством, яви  
тебе всея твари Создатель: благоплодную бо  
доброту души твоея провидев, преблаженне  
Николае, научи всех вопити тебе сице:

Радуйся, от утробы матерния очищенный;



радуйся, даже до конца освященный.

Радуйся, рождением своим родителей удививый; радуйся, силу душевную абие по рождестве явивый.

Радуйся, саде земли обетования; радуйся, цвете Божественнаго саждения.

Радуйся, лозо добродетельная винограда Христова; радуйся, древо чудоточное рая Иисусова.

Радуйся, крине райскаго прозябения; радуйся, миро Христова благоухания.

Радуйся, яко тобою отгонится рыдание; радуйся, яко тобою приносится радование.

**Радуйся, Николае, великий Чудотворче.**

### **Кондак 1**

**Возбранный** Чудотворче и изрядный угодниче Христов, миру всему источаяй многоценное милости миро и неисчерпаемое чудес море, восхваляю тя любовью, святителю Николае; ты же, яко имеяй дерзновение ко Господу, от всяких мя бед свободи, да зову ти:

**Радуйся, Николае, великий Чудотворче.**



**Прокимен: глас 4.**

**Ч**естна пред Господем смерть преподобных его.

*Стих:* Что воздам Господеви о всех, яже воздаде ми;

**Ч**естна пред Господем смерть преподобных его.

**Г**осподи, помилуй. *(Трижды)*

**От Иоанна Святаго Еванглия чтение**  
*(Зачало 36: Глава 10, ст. 7-16)*

**А**з есмь дверь: мною аще кто внидет, спасется: и внидет и изыдет, и пажить обрящет. Тать не приходит, разве да украдет и убиет и погубит: аз приидох, да животь имут и лишше имут. Аз есмь пастырь добрый: пастырь добрый душу свою полагает за овцы: а наемник, иже несть пастырь, емуже не суть овцы своя, видит волка грядуща, и оставляет овцы, и бегаєт: и волк расхитит их, и распудит овцы: а наемник бежит, яко наемник ест, и нерадит о овцах. Аз есмь пастырь добрый: и знаю моя, и знают мя моя: якоже знает мя отец, и аз знаю отца: и душу мою полагаю за овцы. И ины овцы имам, яже не суть от двора сего: и тыя ми подобает привести, и глас мой услышат:



и будет едино стадо и один пастырь. **А**минь.

**С**лава Тебе Господи, слава Тебе.

**Стихи́ра свя́тителю: глас 6.**

**Н**аслѣдниче Божий, соприча́стниче Христо́в, служи́телю Госпо́день, свя́те Нико́лае, по имени́ твоему́ тако и жити́е твое́: спроси́я бо се́дине ра́зум, сви́детельствоваше свѣтлость лица́ твоего́ душе́вное незло́бие, извѣствоваше кро́тость сло́ва молчали́вое. Жи́знь твоя́ сла́вна, и успе́ние со свя́тыми: моли́ о душа́х на́ших.

**Песнь 7.**

**Ирмо́сь:** *Не послужи́ша тва́ри богому́дрии, па́че Созда́вшаго, но, о́гненное пре́щєне му́жески попра́вше, ра́довахуся, пою́ще: препѣ́тый отце́въ Госпо́дь и Бо́гъ, благослове́нь еси́.*

**Припе́вь:** Свя́тителю отче Николае, моли́ Бога о нас.

**С**вя́те Нико́лае, свя́тителю Христо́въ, ра́дуйся, ты́ бо еси́ ра́дость все́мъ неизглаго́ланная, и мнѣ пода́ждь ру́ку по́мощи, да глаго́лю ти́: ра́дуйся, всеблаже́нне.

**Припе́вь:** Свя́тителю отче Николае, моли́ Бога о нас.

**Е**гда́ услы́шаша воево́ды отпу́щєние изъ темни́цы повелѣ́ниемъ твои́мъ, взѣмше



свѣщники, принесоша ти со свещами, велиимъ  
вопиюще гласомъ: радуйся, отче преподобне,  
избавление наше.

**Слава Отцу и Сыну и Святому Духу**

**Н**екогда услышалъ еси въ темнице  
связанныя, услыши и мене, Николае, радуйся,  
приносяща ти, и исхити мя огня геенскаго.

**И ныне и присно и во веки веков. Аминь.**

**М**арие Госпоже, Мати Избавителя, прими  
мя, кающагося и прибегающаго подъ кровъ  
Твой, яко да не престая вопию Тебе: радуйся,  
Благодатная Богородице Приснодево.

### **Песнь 8.**

**Ирмосъ:** *Отроки благочестивыя въ пеци Рождество  
Богородичо спасло есть, тогда убо образуемое, ныне же  
действуемое, вселенную всю воздвизаетъ пѣти Тебе:  
Господа пойте, дела, и превозносите Его во вся веки.*

**Припевъ:** **Святителю отче Николае, моли Бога о нас.**

**А**постоловъ сопрестольниче, со ангелы  
служителю Святей Троице, Николае  
прехвальне, радуйся, и мне даруй радость  
молитвами твоими.

**Припевъ:** **Святителю отче Николае, моли Бога о нас.**



**К**ормчие обуреваемыхъ, Николае, радуйся, и бурю моихъ страстей, яже отъ прилога бесовскаго, утиши, яко прочее не могу терпѣти, но вопію: радуйся, помощниче мой и теплый предстателю.

**Слава Отцу и Сыну и Святому Духу.**

**О**, колика туга обдержитъ мя отъ стреляний бесовскихъ! И язвы терпѣти ми несть мощно, пластыря приложити несть врача, но ты ми приложи пластырь, и елей молитвъ твоихъ, Николае, да зову ти: радуйся, отче преподобне.

**И ныне и присно и во веки веков. Аминь.**

**К**упино неопалимая, радуйся, юже Моисей виде на Синаи, и лѣствица, юже Іаковъ виде, Преплагословенная Богородице Приснодево.

### **Песнь 9.**

**Ирмосъ:** *Всякъ земнородный да възграется, Духомъ просвещаемъ, да торжествуетъ же безплотныхъ умовъ естество, почитающее священное торжество Богоматере, и да вопиетъ: радуйся, Всеблаженная Богородице, Чистая Приснодево.*

**Припевъ:** **Святителю отче Николае, моли Бога о нас.**



**Л**ьсти́ваго стреля́ния обдержа́ть мя, и стремле́ния грехо́вная, но наде́йся на покрóвь тво́й, къ тебе прибега́ю, о́тче, я́ко да отжене́ши отъ мене́ вся́ лести́ лука́ваго, да зову́ ти: ра́дуйся, Нико́лае.

*Прпевь:* Святителю отче Николае, моли Бога о нас.

**А**рия безумновавшаго посрамилъ еси́, пла́мень же ересей угасилъ еси́, воево́ды въ темни́це связа́нныя услы́шалъ еси́, и отъ нихъ, ра́дуйся, прия́лъ еси́, и мы́ вопие́мъ ти́, Нико́лае: ра́дуйся, всеблаже́нне.

**С**ла́ва Отцу́ и Сы́ну и Свято́му Ду́ху.

**А**грика о́наго услы́шавый, и сы́на его́ Васи́лия отъ Ами́ры восхитивый, и предста́вивый родителемъ здра́ва во еди́нь часъ отъ срацы́нь, и мне́ моля́щуся, исхити́ недугу́щую мою́ ду́шу, и грехи́ обложе́нную, отъ огня́ ге́енскаго, Нико́лае.

**И** ны́не и прісно и во ве́ки веко́в. Ами́нь.

**Ц**ари́це, все́хъ Царя́ ро́ждшая и носі́вшая Нося́щаго всю́ тва́рь, спаси́ мя, велича́ющаго Тя, Пресвята́я Влады́чице.



**Катав́сия:** *Всякъ земнорóдный да възгра́ется, Ду́хомъ просвещáемъ, да торжеству́етъ же безплóтныхъ умóвъ естество́, почита́ющее свяще́нное торжество́ Богома́тере, и да вопи́етъ: ра́дуйся, Всеблаже́нная Богороди́це, Чи́стая Присноде́во.*

**Кондак, глас 6.**

**Не** имамамы инья помощи, не имамамы иные надежды, разве Тебе, Владычице. Ты нам помози, на Тебе надеемся и Тобою хвалимся, Твои бо есмы рабы, да не постыдимся.

***Молитва Святителю Николаю  
Мир Ликийских Чудотворцу***

**Святителю отче Николае моли Бога о нас.**

**О**, всехвальный и всечестивый архиерею, великий Чудотворче, Святителю Христов, отче Николае, человеце Божий и верный рабе, мужу желаний, сосуде избранный, крепкий столпе церковный, светильниче пресветлый, звезда осиявающая и освещающая всю вселенную: ты еси праведник, яко финик процветший, насажденный во дворах Господа своего, живой в Мирех, миром облагоухал еси, и миро приснотекущее благодати Божия источая.



Твоим шествием пресвятыи отче, море освятися, егда многочудная твоя мощи шествоваху во град Барский, от востока до запада хвалити имя Господне. О преизящный и предивный Чудотворче, скорый помощниче, теплый заступниче, пастырю предобрый, спасающий словесное стадо от всяких бед, тебе прославляем и тебе величаем, яко надежду всех христиан, источника чудес, защитителя верных, премудрого учителя, алчущих кормителя, плачущих веселие, нагих одеяние, больных врача, по морю плавающих управителя, пленников свободителя, вдов и сирот питателя и заступника, целомудрия хранителя, младенцев кроткого наказателя, старых укрепление, постников наставника, труждающихся упокоение, нищих и убогих изобильное богатство. Услыши нас, молящихся тебе, и прибегающих под кров твой, яви предстательство твое о нас к Вышнему, и исходотайствуй твоими богоприятными молитвами, вся полезная ко спасению душ и телес наших: сохрани святыи храм сей, всякий град и весь, и всякую страну христианскую, и люди живущая от всякого озлобления помощию твоею:



Вемы бо, вемы, яко много может молитва праведного поспешествуя во благое: тебе же праведнаго, по преблагословенной Деве Марии, предстателя ко Всемилостивому Богу имамы, и к твоему, преблагий отче, теплому ходатайству и заступлению смиренно притекаем: ты нас соблюди яко бодрый и добрый пастырь, от всяких врагов, губительства, труса, града, глада, потопа, огня, меча, нашествия иноплеменников, и во всяких бедах и скорбях наших, подавай нам руку помощи, и отверзи двери милосердия Божия, понеже недостойни есмы зрети высоту небесную, от множества неправд наших, связаны узами греховными, и николи же воли Создателя нашего сотворимох ни сохранихом повелений его. Тем же преклоняем колена сокрушенна и смиренна сердца нашего к Зиждителю своему, и твоего отеческого заступления к Нему просим:

Помоги нам Угодниче Божий, да не погибнем со беззакониями нашими, избави нас от всякого зла, и от всякия вещи сопротивныя, управи ум наш и укрепи сердце наше в правой вере, в ней же твоим предстательством и ходатайством, ни ранами, ни прещением, ни мором, ни коим гневом от Создателя своего



умалени будем, но мирное зде поживем житие и да сподобимся видети благая на земли живих, славяще Отца, и Сына, и Святаго Духа, Единого в Троице славимого Бога и поклоняемого, ныне и присно, и во веки веков, Аминь.

### **Молитва иная**

О всесвятый Николае, угодниче преизрядный Господень, теплый наш заступниче и везде в скорбех скорый помощниче! Помози ми, грешному и унылому, в настоящем сем житии, умоли Господа Бога даровати ми оставление всех моих грехов, елико согреших от юности моея, во всем житии моем, делом, словом, помышлением и всеми моими чувствы; и во исходе души моея помози ми, окаянному, умоли Господа Бога всея твари Содетеля, избавити мя воздушных мытарств и вечнаго мучения: да всегда прославляю Отца, и Сына, и Святаго Духа, и твое милостивное предстательство, ныне и присно, и во веки веков. Аминь.

### **Величание**

**В**еличаем тя, святителю отче наш Николае, и чтим святую память твою: ты бо молиши за нас Христа Бога нашего.



*Молитва Достойно есть*

Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Го́споди, поми́луй. *(Трижды).*

Го́споди благослови.

Го́споди Иису́се Христе́, Сы́не Бо́жий, моли́тв ради́ Пречи́стыя Твоея́ Ма́тере и всех святы́х, поми́луй нас. Ами́нь.

**И** Богу слава!





**ЖИТИЕ**  
**СВЯТИТЕЛЯ И ЧУДОТВОРЦА**  
**НИКОЛАЯ**  
**АРХИЕПИСКОПА МИР ЛИКИЙСКИХ**

Святитель Николай, архиепископ Мир Ликийских, чудотворец прославился как великий угодник Божий. Он родился в городе Патаре, Ликийской области (на южном побережье Малоазийского полуострова), был единственным сыном благочестивых родителей Феофана и Нонны, давших обет посвятить его Богу. Плод долгих молитв к Господу бездетных родителей, младенец Николай, со дня рождения своего явил людям свет будущей своей славы великого чудотворца. Мать его, Нонна, после родов сразу исцелилась от болезни. Новорожденный младенец еще в купели крещения простоял на ногах три часа, никем не поддерживаемый, воздавая этим честь Пресвятой Троице. Святой Николай во младенчестве начал жизнь постническую, принимал молоко матери по средам и пятницам лишь один раз в день, после вечерних молитв родителей.

С детских лет Николай преуспевал в изучении Божественного Писания; днем он не выходил из храма, а ночью молился и читал книги, созидавая в себе достойное жилище Святого Духа. Дядя его, епископ Патарский Николай, радуясь духовным успехам и высокому благочестию племянника, поставил его во чтеца, а затем возвел Николая в сан священника, сделав его своим помощником и поручив ему говорить поучения пастве. Служа Господу, юноша горел духом, а опытностью в вопросах веры был подобен старцу, чем вызывал удивление и глубокое уважение верующих.

Постоянно трудясь и бодрствуя, пребывая в непрестанной молитве, пресвитер Николай проявлял великое милосердие к пастве, приходя на помощь страждущим, и раздавал все свое имение нищим. Узнав о горькой нужде и нищете одного ранее богатого жителя его города, святой Николай спас его от большого греха. Имея трех взрослых дочерей, отчаявшийся отец замыслил отдать их на блудодеяние для спасения от голода. Святитель, скорбя о погибающем грешнике, ночью тайно бросил



ему в окно три мешочка с золотом и тем спас семью от падения и духовной гибели. Творя милостыню, святитель Николай всегда старался делать это тайно и скрывать свои благодеяния.

Отправляясь на поклонение святым местам в Иерусалим, епископ Патарский вручил управление паствой святому Николаю, который и исполнял послушание со тщанием и любовью. Когда епископ возвратился, тот, в свою очередь, испросил благословения на путешествие в Святую Землю. По дороге святой предсказал надвигающуюся бурю, грозящую кораблю потоплением, ибо видел самого Дявола, вошедшего на корабль. По просьбе отчаявшихся путников он умирил своей молитвой морские волны. По его молитве был поставлен здоровым один корабельщик-матрос, упавший с мачты и разбившийся насмерть.

Достигнув древнего города Иерусалима, святой Николай, взойдя на Голгофу, возблагодарил Спасителя рода человеческого и обошел все святые места, поклоняясь и творя молитву. Ночью на Сионской горе сами собой отверзлись запертые двери церкви пред пришедшим великим паломником. Обойдя святыни, связанные с земным служением Сына Божия, святой Николай решил удалиться в пустыню, но был остановлен Божественным гласом, увещавшим его вернуться на родину. Возвратившись в Ликийю, святой, стремясь к безмолвному житию, вступил в братство обители, именуемой Святым Сионом. Однако Господь снова возвестил об ином пути, ожидающем его: «Николай, не здесь та нива, на которой ты должен принести ожидаемый Мною плод; но обратись и иди в мир, и да будет прославлено в тебе Имя Мое».

В видении Господь подал ему Евангелие в дорогом окладе, а Пресвятая Богородица — омофор. И действительно, по кончине архиепископа Иоанна он был избран епископом Мир Ликийских, после того, как одному из епископов Собора, решавшего вопрос об избрании нового архиепископа, в видении был указан избранник Божий — святой Николай. Призванный пасти Церковь Божию в архиерейском сане, святитель Николай остался тем же великим подвижником, являя пастве образ кротости, незлобия и



любви к людям. Это было особенно дорого для Ликийской Церкви во время гонения на христиан при императоре Диоклитиане (284-305). Епископ Николай, заключенный в темницу вместе с другими христианами, поддерживал их и увещевал твердо переносить узы, пытки и мучения. Его самого Господь сохранил невредимым.

По воцарении святого равноапостольного Константина святитель Николай был возвращен к своей пастве, с радостью встретившей своего наставника и заступника. Несмотря на великую кротость духа и чистоту сердца, святитель Николай был ревностным и дерзновенным воином Церкви Христовой. Ратоборствуя с духами злобы, святитель обходил языческие капища и храмы в самом городе Миры и его окрестностях, сокрушая идолов и обращая в прах капища. В 325 году святитель Николай был участником I-ого Вселенского Собора, принявшего Никейский Символ веры, и ополчился со святыми Сильвестром, папой Римским, Александром Александрийским, Спиридоном Тримифунтским и другими от 318 святых отцов Собора на еретика Ария.

В пылу обличения святитель Николай, пламенеющий ревностью ко Господу, даже ударил по щеке лжеучителя, за это он был лишен святительского омофора и посажен под стражу. Однако нескольким святым отцам было открыто в видении, что Сам Господь и Богоматерь посвятили святого во епископа, подав ему Евангелие и омофор. Отцы Собора, уразумев, что дерзновение святителя угодно Богу, прославили Господа, а Его святого угодника восстановили в святительском сане. Вернувшись в свою епархию, святитель принес ей мир и благословение, сея слово Истины, пресекая в самом корне неправомыслие и суетное мудрование, обличая закоренелых еретиков и врачую падших и уклонившихся по неведению.

Он был поистине Свет Миру и Соль Земли, ибо житие его было светло и слово его было растворено солею премудрости. Еще при жизни святитель совершал много чудес. Из них наибольшую славу доставило святителю избавление от смерти трех мужей, несправедно осужденных корыстолюбивым



градоначалником. Святитель смело подошел к палачу и удержал его меч, уже занесенный над головами осужденных. Градоначальник, обличенный святителем Николаем в неправде, раскаялся и просил его о прощении. При этом присутствовали три военачальника, посланные императором Константином во Фригию. Они еще не подозревали, что им вскоре также придется искать заступничества у святителя Николая, так как их незаслуженно оклеветали пред императором и обрекли на смерть.

Явившись во сне равноапостольному Константину, святитель Николай призвал его отпустить несправедно осужденных на смерть военачальников, которые находясь в темнице, молитвенно призывали на помощь святителя. Много других чудес совершил он, долгие годы подвизаясь в своем служении. По молитвам святителя город Миры был спасен от тяжкого голода. Явившись во сне одному итальянскому купцу и оставив ему в залог три золотые монеты, которые тот обрел в своей руке, пробудившись наутро, попросил его приплыть в город Миры и продать там жито. Не раз спасал святитель утопающих в море, выводил из плена и заточения в темницах.

Достигнув глубокой старости, святитель Николай мирно отошел ко Господу (+ 342-351). Честные его мощи хранились нетленными в местной кафедральной церкви и источали целебное миро, от которого многие получали исцеления.

В XI веке греческая империя переживала тяжелое время. Турки опустошали ее владения в Малой Азии, разоряли города и села, убивая их жителей и сопровождая свои жестокости оскорблением святых храмов, мощей, икон и книг. Мусульмане покушались уничтожить мощи святителя Николая, глубоко чтимого всем христианским миром.

В 792 году халиф Аарон Аль-Рашид послал начальника флота Хумейда разграбить остров Родос. Опустошив этот остров, Хумейд отправился в Миры Ликийские с намерением взломать гробницу святителя Николая. Но вместо нее он взломал другую, стоящую рядом с гробницей Святителя. Едва святотатцы успели это сделать, как на море поднялась страшная буря и почти все суда были разбиты.



Осквернение святынь возмущало не только восточных, но и западных христиан. Особенно опасались за мощи святителя Николая христиане в Италии, среди которых было много греков. Жители города Бар, расположенного на берегу Адриатического моря, решили спасти мощи святителя Николая.

В 1087 году барские и венецианские купцы отправились в Антиохию для торговли. И те и другие предполагали на обратном пути взять мощи святителя Николая и перевезти их в Италию. В этом намерении жители Бар опередили венецианцев и первыми высадились в Мирах. Вперед были посланы два человека, которые, вернувшись, сообщили, что в городе все тихо, а в церкви, где покоится величайшая святыня, они встретили только четырех монахов. Тотчас 47 человек, вооружившись, отправились в храм святителя Николая. Монахи-сторожа, ничего не подозревая, указали им помост, под которым была скрыта гробница святого, где, по обычаю, чужестранцев помазывали миром от мощей Святителя.

Монах рассказал при этом о явлении накануне святителя Николая одному старцу. В этом видении Святитель приказывал бережнее хранить его мощи. Рассказ этот воодушевил барян; они увидели для себя в этом явлении соизволение и как бы указание Святого. Чтобы облегчить свои действия, они открыли монахам свои намерения и предложили им выкуп — 300 золотых монет. Сторожа отказались от денег и хотели оповестить жителей об угрожавшем им несчастье. Но пришельцы связали их и поставили у дверей своих сторожей. Они разбили церковный помост, под которым стояла гробница с мощами.

В этом деле особенным усердием отличался юноша Матфей, желавший как можно быстрее обнаружить мощи Святителя. В нетерпении он разбил крышку и баряне увидели, что саркофаг наполнен благоухающим святым миром. Соотечественники барян, пресвитеры Лупп и Дрого, совершили литию, после которой тот же Матфей стал извлекать из переполненного миром саркофага мощи Святителя. Это происходило 20 апреля 1087 года. Ввиду отсутствия ковчега, пресвитер Дрого завернул мощи в верхнюю одежду и в сопровождении барян перенес их на



корабль. Освобожденные монахи сообщили городу печальную весть о похищении иностранцами мощей Чудотворца. Толпы народа собрались на берегу, но было поздно...

8 мая корабли приплыли в Бар, и скоро радостная весть облетела весь город. На следующий день, 9 мая, мощи святителя Николая торжественно перенесли в церковь святого Стефана, находившуюся недалеко от моря. Торжество перенесения святыни сопровождалось многочисленными чудотворными исцелениями больных, что возбуждало еще большее благоговение к великому угоднику Божию. Через год была построена церковь во имя святителя Николая и освящена папой Урбаном II.

Событие, связанное с перенесением мощей святителя Николая, вызвало особенное почитание Чудотворца и ознаменовалось установлением особого праздника 9 мая (по новому стилю 22 мая). В начале праздник перенесения мощей святителя Николая отмечался только жителями итальянского города Бар. В других странах Христианского Востока и Запада он не был принят, несмотря на то, что о перенесении мощей было широко известно. Это обстоятельство объясняется свойственным средним векам обычаем чествования преимущественно местных святынь. Кроме того, Греческая Церковь не установила празднования этой даты, потому что потеря мощей Святителя была для Нее событием печальным.

На Руси Православной Церковью празднование памяти перенесения мощей святителя Николая из Мир Ликийских в Бар 9 мая установлено вскоре после 1087 года на основе глубокого, уже упрочившегося почитания словянским народом великого угодника Божия, перешедшего из Греции одновременно с принятием христианства. Бесчисленными чудотворениями ознаменовалась вера наших предков в неоскудевающую помощь Угодника Божия.